
Kinguliit Ukautait

UKAUTAIT

Eeyou Tagoit Aviktukhimayut Nunataagutit Angigutaanut

- **Eeyou Tagiut Aviktukhimayut Angigutaanut:** EeyouTagiut Aviktukhimayut Angigutaanut angigutauhimayuk kitkanit Itkiliit Eeyo Istehee ovalo Kavamatkut Kanatami nani nunait hanianik 61,270mik sq. Kilometres Quebecmi hinaani James Baymi ovalo kivataanik Hudson Baymi. Angigutaanut angikhimayait nunait ovalo pitkutikhait inminiigutikhainik, ilauyut tahapkoa Kanatami ovalo Itkiliit, kaangani kikiktait ovalo tagiut imait hanianik. Kikiktait hamani ilaukatauyut 1,650mik sq. Kilometre nunait, kitut hanianik 1,050mik sq. Kilometres tighimaniaktait Itkiliit, ilauyut inminiigutikhait nunait ovalo ataani nunait pitkutikhait. Kikiktait nigigani Hudson Baymi ilauyut hanianik 400mik sq. Kilometres ilaukatiginiaktait Nunavimi Inuit. Kanatami Kavamatkut pihimaniaktait ilangit kikiktait ilauyut hanianik 200mik sq. Kilometres nunait talvani. Kanata pihimaniaktait maligaliugutikhait kaangani tagiut imait ovalo inminiigutikhait ataani tagiut.
- **Kaligiiktigutait Nunait:** Eeyou Tagiut Aviktukhimayut ilauyut kaligiiktigutait nunait piyumayait Itkiliit ovalo Nunavik Inuit. Taimaimat, Angigutaanut ovalo Nunavik Inuit Nunataagutit Angigutaanut tamamik pikaktut aipainik angigutaanut atikhimayait kitkanit Itkiliit ovalo Inuit 2003mi ovalo ukakhimayut tamamik piyumayainik Itkiliit ovalo Inuit kaligiiktigutait nunainik. Taimaimat, Itkiliit ilaukatigiiktut inminiigutikhainik Nunavik Inuit amigaitunik kikiktainik Long Kikiktainit kananaganut Ukiujaqmut.
- **Umayuligiyyit Munagiyyit:** EeyouTagiut Aviktukhimayut Umayuligiyyit Katimayiyit hanahimayut ataani Angigutaanut IPGmik munagiyaangani ovalo maligaliuktigiagani umayut ovalo umayukhiugutait. Itkiliit inminik inminiigutikaktut umayukhiuklutik ilangit umayuit ovalo inminiigutikaktut umayukhiuklutik umayunik Eeyou Tagiut Aviktukhimayumi piyaangani hanatiligiyiyit, inuligiyyit ovalo inuuviviniit piyumayainik. Kihimi, ilangit keelinikaktut nani tamaktitailigumik umayunik.
- **Kinauyakhait nuutitiktukhat ovalo iniktigutikhait:** Kavamatkut Kanatami tuniniaktut kinauyakhainik nuutitiktukhat Itkilinut \$50millionmik akiliklugit 9nik ukiunik ovalo iniktigutikhait kinauyakhainik \$5millionmik angigutaa atulikata nuutititaakata maligaliugutikhainik.
- **Pitkutikhait Akiligutikhait:** Itkiliit pikaniaktut kaangani ovalo ataani nunait inminiigutikhainik kikiktainik. Ovalo, itkiliit pilaaktut 50%mik hivulimit \$2millionmik pitkutikhait akiligutikhainik ovalo 5%mik ilanginik pitkutikhait akiligutikhainik pivaktait Kavamatkut ukiuk tamaat mikhaanut unguvaktigutainik pitkutikhait Eeyou Tagiut Aviktukhimayumik.
- **Naluhuiyagutikhait:** Angigutaanut tuniniaktut naluhuiyagutikhainik mikhaanit inminiigutikhait Kanatami ovalo Itkiliit kaangani nunait ovalo pitkutikhait Eeyou Tagiut Aviktukhimayumi.
- **Kakugu Atuliniaktut:** Maliklugit atigutikhait Angigutaanut Itkiliit ovalo Kanatami ovalo ukakatigitaagumik Katimayiyit Itkiliit, Kavamatkut Kanatami tuniniaktait Angigutaanut Maligaliuktinut Kanatami ovalo pitkulugit maligaliugutikhait angigiagani Angigutaanut ovalo atuligiagani.

